

## Mahathir melawat Indonesia

**JAKARTA, Isnin —** Perdana Menteri Malaysia, Datuk Seri Mahathir Mohamad, akan melawat Indonesia bulan depan dalam rangka pertamanya mengunjungji negara ASEAN, demikian menurut Menteri Agama Indonesia, Alamsyah Ratu Perwiranegara, hari ini.

Malaysia ialah anggota keluarga Persatuan Negara-negara Asia Tenggara (ASEAN) yang ditubuhkan dalam tahun 1967. Lain-lain negara ASEAN ialah Indonesia, Thailand, Filipina, dan Singapura.

Menteri Agama Indonesia selepas berunding dengan Presiden Suharto, berkata bahawa tarikh lawatan Dr. Mahathir belum lagi ditetapkan.

"Perdana Menteri Malaysia akan melawat Indonesia selepas bulan puasa ini," katanya.